

ans samkvæmt fátækralögum nr. 43/1927. Oddviti Reykjarfjarðarhrepps heldur því fram, að María hafi öðlazi framfærslurétt í Reykjavíkurborgumstað þann 1. janúar 1936 samkvæmt 13. gr. framfæslulaganna, þar sem hún hafi átt lögheimili í Reykjavík þegar hún fór í geðveikrahælið. 31  
27. maí

Með því að ráðuneytið telur það gagnstætt meginreglum laga, að ákvæði 13. gr. framfæslulaganna verði látin verka þannig aftur fyrir sig, að því sveitarfélagi þar sem styrkþeginn átti lögheimili, er sjúkrahúsvistin hófst fyrir gildistöku framfærslulaganna, verði skylt að taka við framfærslunni eftir 1. janúar 1936, þá staðfestist úrskurður lögreglustjórans hér með.

Þetta tilkynnist yður, herra sýslumaður, hér með til frekari birtingar fyrir hreppsnefnd Reykjarfjarðarhrepps.

### **Bréf atvinnu- og samgöngumálaráðuneytisins til sýslumannsins í Skaftafellssýslu, um takmörk verzlunarlóðarinnar á Höfn í Hornafirði.** 32 28. maí

Með skírskotun til bréfs ráðuneytisins til yðar, herra sýslumaður, dags. 13. þ. m., og bréfs yðar, dags. 20. s. m., um ákvörðun verzlunarlóðarinnar í Höfn í Hornafirði, skal yður tjáð, að samkvæmt lögum nr. 61, 10. nóvember 1905 eru hér með gerðar þær breytingar á takmörkum svæðis þess, sem reisa má á verzlunarhúsi í Höfn eftir tillögum sýslunefndar og uppdrætti, svo sem hér segir: Að norðan landmegin, takmarkist verzlunarlóðin af línu dreginni frá Svalbarðsveg vestur í framanvert Arfasker. Að öðru leyti séu takmörkin hin sömu og áður hafa verið ákveðin.

Jafnframt því að tilkynna yður þetta til frekari birtingar, skal lagt fyrir yður að sjá um, að eitt eintak af hinum framangreinda uppdrætti, sem fylgir hér með, verði geymt við skjöl hlutaðeigandi hrepps, og að hreppsnefndin láti setja og halda við á hreppssjóðs kostnað glöggum merkjum á takmörkum verzlunarlóðarinnar, þar sem þau eru ekki glögg frá náttúrunnar hendi.

### **Bréf atvinnu- og samgöngumálaráðuneytisins til sýslumannsins í Ísafjarðarsýslu, um takmörkun verzlunarlóðarinnar á Látrum í Aðalvík.** 33 8. júní

Með bréfi, dags. 11. f. m., hafið þér, herra sýslumaður, sent hingað tillögu sýslunefndarinnar í Norður-Ísafjarðarsýslu viðvíkjandi takmörkum verzlunarlóðarinnar á Látrum í Aðalvík ásamt uppdrætti af hinni fyrirhuguðu verzlunarlóð.

Út af þessu er hér með, samkvæmt lögum nr. 61, 10. nóvember 1905, takmörk svæðis þess, sem reisa má á verzlunarhúsi á Látrum í Aðalvík, sett eftir framangreindum tillögum og uppdrætti svo sem hér segir:

1. Að sunnan og vestan stórstraumsflæðarmál frá Naustabala út fyrir svonefnda Bása utan við Látranæs.
2. Að norðan lína meðfram Látrafjalli frá Básun, dregin 150 faðma ofan við stórstraumsflæðarmál að heimatúngarðinum núverandi.
3. Að austan túngarðurinn niður í garðshornið og úr því bein lína í sunnanverðan Naustabala við sjóinn.

- 33 Jafnframt því að tilkynna yður þetta til frekari birtingar, skal lagt fyrir yður 8. júní að sjá um, að eitt eintak af hinum framangreinda uppdrætti verði geymt við skjól hlutaðeigandi hrepps, og að hreppsnefndin láti setja upp og halda við á hreppssjóðs kostnað glöggum merkjum á takmörkum verzlunarlóðarinnar, þar sem takmörkin eru ekki glögg af náttúrunnar hendi.

- 34 **Bréf atvinnu- og samgöngumálaráðuneytisins til sýslumannsins í**  
11. júní **Ísafjarðarsýslu, um takmörkun verzlunarlóðarinnar í Haukadal í Þingeyrarhreppi.**

Með bréfi, dags. 11. f. m., hafið þér, herra sýslumaður, sent hingað tillögu sýslunefndarinnar í Vestur-Ísafjarðarsýslu, um takmörk verzlunarlóðarinnar í Haukadal í Þingeyrarhreppi, ásamt uppdrætti af hinni fyrirhuguðu verzlunarlóð.

Út af þessu er hér með, samkvæmt lögum nr. 61, 10. nóvember 1905, takmörk svæðis þess, sem reisa má á verzlunarhús í Haukadal í Þingeyrarhreppi sett eftir framangreindum tillögum og uppdrætti svo sem hér segir:

1. 40 — fjörutíu — metrum innan við svo nefndan Sæbólslæk, þar sem hann rennur til fjöru, hugsast bein lína dregin í sundið milli Vésteins og Brautarholts 170 metra löng, talin frá efsta fjöruborði. Lína þessi liggur h. u. m. S.V. og nær 25 metra upp fyrir núverandi hreppsveg (Vatnsbraut á meðf. uppdrætti).
2. Þaðan beygir merkjalínan í 90° horn til N.V., eða í stefnu utan við svonefndan Yztabæ, hún er 95 metra löng og endar 10 m. fyrir innan Sæbólslæk en 15 metrum sunnan við veginn (Veitugarð).
3. Þá liggur merkjalínan samhliða hinni fyrst töldu, 100 metra langa leið í N.A., eða í hið svo nefnda Leifstún, 15 metra út fyrir Sæbólslækinn.
4. Eftir það miðast merkjalínan í beina stefnu 270 metra vegalengd í auðkenndan stað í lækjarfarveg 40 metra frá efsta fjöruborði utan við verbúðartóft Jóhanns útgerðarmanns Jónssonar og þaðan til sjávar.

Jafnframt því að tilkynna yður þetta til frekari birtingar, skal lagt fyrir yður að sjá um, að eitt eintak af hinum framangreinda uppdrætti verði geymt við skjól hlutaðeigandi hrepps, og að hreppsnefndin láti setja upp og halda við á hreppssjóðs kostnað glöggum merkjum á takmörkum verzlunarlóðarinnar, þar sem takmörkin eru ekki glögg frá náttúrunnar hendi.

- 35  
9. marz

## SAMÞYKKT

fyrir Fiskræktarfélag Fljótsdalshéraðs.

### 1. gr.

Félagið heitir Fiskræktarfélag Fljótsdalshéraðs. Heimili þess og varnarþing er hið sama og formanns þess.

### 2. gr.

Verkefni félagsins er að auka fiskimagn (lax og silungs) allra vatna á Fljótsdalshéraði, sem til þess teljast hæf, með klaki, innflutningi fiskseiða, friðun á fiski, eyðing sels og annars veiðivargs, svo og setja reglur um veiðitæki og veiðiaðferðir, eftir því sem lög leyfa.